

BM 340.37
134
29

梧州府志

卷之十四
宦蹟上

卷之十五
宦蹟下
寓賢



名宦志總序

王者任官然後爵之位定然後祿之求志者行其
義食祿者忠其事外盡厥職內盡厥心豈爲名哉
雖然名何可不顧也紀之司勳播之歌咏傳之學
士大夫之口載之金石竹冊之文此豈得以虛名
借者耶梧州僻處邊方而地設重鎮宦是土者治
莫先乎聲教嶺南華風不徒任錫始矣自歷代休
養生息政化日新循良之吏史不絕書若价人經
略於維翰元老秉旌於推轂蠻氛賴其鎮定寇虐
式其掃除允足勲埒雲山操同冰井至於懷清履
潔眷念闕廷雖經流離播越之後而名不泯滅千
載下猶慨然慕之况郇膏召樹乎古云當於人鑑
其前事之師也志名宦



梧州府志卷之十四

名宦志

宦蹟上

紀宦蹟於郡志自應以二千石循良為先而後三異四長及廉丞傑簿之屬皆得次第舉焉茲以其為治有功德被梧人者備列於傳序以時代不分官職一準名宦列祠之例以見士君子苟能盡厥職而於物有濟雖秩有崇卑均足以樹立不朽云漢

路博德西河平州人元鼎五年下詔討南越博德

梧州府志

卷之十四

宦蹟上

二

以衛尉授伏波將軍出桂陽下湟水主爵都尉楊

僕為樓船將軍出豫章下橫浦

漢書作湟水

歸義越侯

鄭巖為戈船將軍出零陵下灘水田甲為下瀨將

軍下蒼梧使馳義侯何遺別將巴蜀罪人發夜郎

兵下牂牁江會番禺建德呂嘉皆城守博德軍西

北會樓船攻敗越人越素聞伏波名乃為營遣使

招降者賜印綬復縱令相招遲且城中皆降呂嘉

建德夜與其屬亡入海伏波因問所得降者知其

處追獲之其蒼梧王趙光桂林監居翁等皆降遂

以其地為儋耳珠厓南海蒼梧鬱林合浦交趾九

真日南九郡今蒼梧鬱林博德所開也祀蒼梧名宦

羅宏荆州長沙人元封五年初置交阯部刺史察所部治蒼梧郡往多以荒遠行罕遍部吏因得恣其貪殘宏為刺史春行冬息遍歷所部咨詢疾苦太守多解綬請罪宏廉實舉發一時貪殘斂迹祀蒼梧縣名宦

按漢交阯刺史治在蒼梧自羅宏下諸公或亦

州日南或鬱林南海然威令皆自蒼梧故錄

錫光漢中人平帝時為交阯太守教導民夷漸以禮義化王莽末閉境拒守建武初遣使貢獻封鹽

古州府志 卷之十四 宦蹟上 三

水侯嶺南華風實光始之云

杜穆西漢末時守蒼梧值王莽亂閉境自守建武間岑彭移檄陳漢威德穆遣使奉貢封列侯祀名宦

馬援字文淵扶風茂陵人其先趙奢為趙將號馬服君子孫因以為氏建武十七年交阯女子徵側

徵貳反攻沒其郡九真日南合浦蠻夷皆應之寇畧嶺外六十餘城側自立為王乃拜援為伏波將

軍以扶樂侯劉隆為副督樓船將軍段志等緣海而進隨山刊道千餘里十八年春軍至浪泊上與

賊戰破之斬首數千級降者萬餘人援追徵側等

至禁溪數敗之賊遂散走明年正月斬徵側徵貳
傳首洛陽封援新息侯復將樓船二千艘戰士二
萬餘人擊九真賊徵側餘黨都羊等自無功至居
風斬獲五千餘人嶠南悉平援所過輒爲郡縣治
城郭穿渠灌溉以利其民條奏越律與漢律駁者
十餘事與越人申明舊制以約束之自後駱越奉
行故事二十年秋振旅還京師援善別名馬於交
趾得駱越銅鼓乃鑄爲馬式上之初援在交趾常
餌蕙苡實愛其實大欲傳其種軍載還一車援卒
有譖之者誣爲明珠文犀帝怒妻子遑懼不敢以

喪還舊瑩肅宗建初三年追諡忠成侯

祀蒼梧名宦

喻猛字驕孫豫章人和帝時爲蒼梧太守以清白

爲治郡人歌之

祀名宦

綦母俊會稽上虞人安帝時爲交趾刺史元初三
年合浦蠻反遣御史任遵督兵討之俊以蒼梧當
合浦下蠻或流劫猝難回顧乃先保障蒼梧所向
摧靡功當封賞上書歸功於遵詔下美之

陳臨香山人舉孝廉永建中官蒼梧守導人以孝
弟民有遺腹子報父怨殺人吏獲之臨知其無嗣
令其妻侍獄中得產男郡人歌曰蒼梧府君惠廣

人能令死囚有後代後徵爲廷尉郡民以五月五日祠臨東城門上子孫最蕃蓋陰德所致云

祀名
宦

按一統志載郡人歌曰蒼梧府君惠及死能令死人不絕嗣與此稍異

陳稚升東漢時爲蒼梧太守治尙清靜民咸化之

囹圄常空

祀名
宦

張磐字子石丹陽人爲交州刺史延熹五年長沙零陵賊起攻八桂陽南走蒼梧時荆州刺史度尙廣募蠻夷明設購賞破其渠帥降者數萬人其餘黨入梧者磐自將擊之斬捕幾盡尙徵還京餘黨

梧州府志

卷之十四

宦蹟上

五

復熾尙恐磐上狀先誣奏磐乃徵磐下廷尉會赦磐不肯出獄吏曰天恩曠然而君不出何也磐因自列曰前長沙賊胡蘭作亂荆州餘黨散入交陞磐身膺甲冑涉危履險討擊凶患戢斬渠帥餘賊烏窠荆州刺史度尙畏罪誣奏磐備位方伯爲國爪牙而爲尙所枉受罪牢獄夫事有虛實法有是非磐實不辜赦無所除恐以苟免磐不能也乞傳尙詣廷尉面對曲直足明真僞尙不徵磐寧埋骨牢檻終不虛出廷尉以其狀上乃徵尙詣廷尉窮抵罪以先有功得原磐在官以清白稱

祀名
宦

朱雋字公偉會稽上虞人也少孤以孝養致召太守徐珪舉爲孝廉除蘭陵令政有異能爲東海相所表會交趾部羣賊並起牧守不能制又渠賊梁龍等與南海太守孔芝反攻破郡縣光和元年拜雋交趾刺史令過本郡簡募家兵及所調分兩道入旣到州界按甲不前先遣使觀賊虛實宣揚威德以震動其心旣而與七郡兵俱進逼之遂斬梁龍降者數萬人旬月盡定以功封都亭侯

周乘字子居安城人建安中以侍御史爲交趾刺史上書云交州絕域習於貪濁強宗聚奸長吏肆虐侵漁萬民今爲聖朝掃清一方時屬城解綬者三十餘人

蜀漢

李恢字德昂俞元人昭烈入益州恢爲庾降都督持節交州刺史昭烈崩高定恣睢於越巂雍闓跋扈於建寧朱褒反叛於牂牁惟恢鎮南土與諸葛亮聲勢相倚以功封漢興亭侯加安漢將軍建興七年詔以交州屬吳乃徵恢還

舊志不載今依通志補入

魏

楊稷韃爲人景元四年吳將呂興以交趾叛歸魏

魏以南中監軍霍弋遷嶺交州刺史弋表遣魏率
牙將董元毛炆等往戍交阯吳交州刺史劉俊大
都督修則將軍顧容前後三攻交阯穰皆拒破之
鬱林九真皆降穰遣毛炆董元攻合浦戰於古城
大破吳兵殺修則劉俊晉太始五年吳復遣將軍
薛翊監軍虞汜蒼梧太守陶璜等率兵十萬攻交
阯時霍弋已死外援不至城中食盡死亡者半將
軍王約反降吳吳兵入城獲穰囚送入都穰至合
浦嘔血死晉追贈交州刺史

毛炆建寧人從楊穰戍交阯古城之戰炆殺吳大

梧州府志

卷之十四

宦蹟上

七

都督修則穰表炆鬱林太守及交阯城陷炆爲吳
所獲陶璜愛炆勇健欲活之炆謀欲殺璜璜乃戮
之修則之子允生剖其腹割其肝炆厲罵而死

吳

步騭字子山臨淮淮陰人建安十五年出領鄱陽
太守歲中徙交州刺史立義中郎將領武射吏千
人便道南行明年追拜使持節征南中郎將劉表
所置蒼梧太守吳巨陰懷異心外附內違騭降意
誘懷請與相見因斬狗之威聲大震士燮兄弟相
率供命南土之伏自此始也益州大姓雍闓等殺

所署太守正昂與爨相聞願求內附因承制遣使宣恩撫納由是加平戎將軍封廣信侯赤烏九年代陸遜爲丞相猶誨育門生手不釋書被服居處有如儒生性寬宏得衆喜怒不形於色而內肅然十一年卒

節吳志本傳

陶璜字世英丹陽秣陵人父基爲吳交州刺史孫皓時交阯太守孫譖貪黷暴虐爲百姓患會察戰鄧荀至擅調孔雀三千頭遣送秣陵民苦遠役思亂愈亟郡吏呂興因殺譖及荀以郡叛附晉卽拜興交阯太守尋爲其功曹李統所殺武帝乃遣爨

谷馬融相繼爲交阯太守皆病卒因命霍弋遙領之而遣楊稷董元等自蜀出交阯破吳軍吳遣虞汜爲監軍薛翊爲威南將軍大都督璜爲蒼梧太守與稷戰於分水璜敗退保合浦亡其二將翊怒曰若自表討賊而喪二帥其責安在璜曰下官不得行意諸軍不相順故致敗耳璜夜以數百兵襲董元獲其寶物船載以歸遂從海道徑至交阯元拒之諸將將戰璜疑斷牆內有伏兵列長戟於其後兵纔接元僞退璜追之伏兵果出長戟逆之大破元等以前所獲寶物厚遺扶巖賊帥梁奇奇將

萬餘人助璜元有勇將解系同在城內璜誘其弟象使爲書與系又使象乘璜輜車鼓吹導從而行元等曰象尙若此系必有去志乃就殺之遂陷交趾吳因用璜爲交州刺史璜有謀策周窮好施能得人心復助滕修討南賊破之惟九真郡功曹李祚猶保郡附晉璜遣將攻之不克祚舅黎晃隨軍勸祚令降祚答曰舅自吳將祚自晉臣惟力是視耳踰時乃拔皓以璜爲使持節都督交州諸軍事前將軍交州牧武平九德新昌土地阻險蠻獠勁悍歷代不賓璜征討開置三郡及九真屬國三十

梧州府志

卷之十四

宦蹟

九

餘縣徵璜爲武昌都督以合浦太守修允代之交土人請留璜以千數於是遣還皓旣降晉手書遣璜息融敕璜歸順璜流涕數日遣使送印綬詣洛陽帝詔復其本職封宛陵侯改爲冠軍將軍在南三十年威恩著於殊俗乃卒舉州號哭如喪慈親朝廷乃以員外郎散騎常侍顧秘代彥秘卒州人逼秘子參領州事參尋卒參弟壽求領州州人不聽固求之遂領州壽乃殺長史胡肇等又將殺帳下督梁碩碩走得免起兵討壽擒之傳壽母令鳩殺之碩乃

迎璜子蒼梧太守威領刺史在職甚得百姓心三年卒威弟淑子綏後並為交州自基至綏四世為

交州者五人

晉書

晉

陶侃字士行本鄱陽人吳平徙家廬江之尋陽王敦深忌侃功左轉廣州刺史平越中郎將太興初進號平南將軍尋加都督交州軍事時交州刺史王諒為賊梁碩所陷侃遣將高寶擊平之以侃領交州刺史錄前後功封次子為都亭侯進號征南

大將軍開府儀同三司

節晉書本傳

梧州府志

卷之十四

宦蹟上

十

杜瑗字道言交趾朱戴人杜州府為日南九德交趾太守初九真太守李遜父子勇壯有權力威制交土聞刺史滕遜之當至分遣二子斷遏水陸津要瑗收眾斬遜州境獲寧遜之在州十餘年將北還林邑王范胡達攻破日南九德九真三郡遂圍州城時遜之已去瑗與第三子元之悉力固守多設權策累戰大破之乃以瑗為龍驤將軍交州刺史元與末進冠軍將軍盧循竊據廣州遣使通好瑗斬之義熙六年卒

杜慧度瑗第三子義熙七年除交州刺史詔書未

到盧循裴合浦寇交州慧度率衆拒循於石碕破之時李遜子孫李奕李脫等奔竄石碕盤詰俚獠各有部曲循知奕等與杜氏有怨遣使招之奕等受循節度六月庚子循晨造南津令三軍八城乃食慧度悉出宗族私財以充勸賞弟交阯太守慧期九真太守章民並督率水步軍慧度自登高艦合戰放火箭雉尾炬步軍夾兩岸射之循衆艦俱燃一時散潰循中箭赴水死斬循及父嘏并循二子傳首建業封龍編縣侯武帝受禪進號輔國將軍其年南討林邑窮蹙乞降輸生口大象南金吉

貝乃釋之遣長史江攸獻捷慧度儉樸質素布衣蔬食在州禁斷淫祀崇修學校歲饑則以私祿賑給爲政纖密有如居家由是威惠霑洽奸盜不起少帝景平元年卒

杜宏文慧度長子初爲員外散騎侍郎父卒就拜振威將軍繼父爲交州刺史亦以寬和得衆元嘉四年文帝以廷尉王徽之爲刺史宏文被徵時得重疾乃扶病卽路至廣州卒遣弟宏猷詣京朝廷

甚哀之

舊志不載今依通志補人

檀和之高平金鄉人元嘉二十年冬爲交州刺史

留意足民乃更練武會林邑王陽逼寇盜不已乃以和之爲龍驤將軍及振武將軍宗慤伐之和之遣司馬蕭景憲爲前鋒克其區粟城乘勝入象浦和之與慤共克林邑陽邁奔竄獲其珍異和之旣克遠夷益自謙慎以餘財頒及交廣軍士捷聞召還封雲社縣子以景憲代之依通志補入

陳隱昇平十五年爲龍驤將軍開府永平郡蓋初設郡治隱任彈壓藤人之受庇宥者爲不少矣藤縣志

隋

梧州府志

卷之十四

宦績上

三

裴肅字神封河東聞喜人少剛正有局度仕周釋褐給事中士累遷御正下大夫後廢於家開皇五年授繕部侍郎遷朔州總管長史轉貝州長史俱有能名仁壽中上書左庶子張衡言於皇太子皇太子甚不說煬帝嗣位執政者希旨以嶺海荒遐授肅永平郡丞甚得民夷心歲餘卒時年六十二夷獠思之爲立廟於鄣江之浦祀藤縣名宦

唐

李靖字藥師雍州三原人武德中攝孝恭行軍長史擊破蕭銑乃度嶺至桂州遣人分道招撫其大

首領馮盎李光度甯長真等皆遣子弟來謁靖承授其官爵凡懷輯九十六州戶六十餘萬詔書勞勉授嶺南道撫慰大使檢校桂州總管靖以嶺海陋遠非震威武示禮義則無以變風俗乃率兵南巡所過問疾苦延見父老宣布德意遠近懽服

唐節

書本傳祀

縣名宦

元結字次山魏常山王十五代孫少不羈十七乃折節尚學事元德秀天寶十二載舉進士復舉制科會天下亂浮沉人間國子司業蘇源明見肅宗問天下士薦結可用擢右金吾兵曹參軍後為容

梧州府志

卷之十四

宦蹟上

三

管經畧使身論蠻豪綏定八州會母喪人皆詣節度府請留加左金吾衛將軍民樂其教立石頌德罷遷京師卒年五十贈禮部尚書

節唐書本傳祀名宦

尉遲敬德名恭以字行朔州善陽人輔唐太宗有功出為襄州都督遷同州刺史改封鄂國公貞觀八年巡察嶺南問民疾苦梧民感其德立廟祀之至今奉祀不絕

參唐史祀蒼梧名宦

李曉庭大歷初任藤州刺史時蠻酋梁崇牽據容州曉庭與經略使王翊進討克復容州民賴以安杜佑字君卿京兆萬年人以工部郎中為容管經

略使綏懷兵民盜賊不犯多惠政遷嶺南節度使
爲開大衢疏析屢閉以息火災朱崖黎氏三世保
險不賓佑討平之召拜尙書右丞又詔檢校尙書
左僕射同平章事元和七年卒時年七十八贈太

傳諡曰安簡

禮名
宦

王翊字宏明并州晉陽人天寶中擢才兼文武科
大歷中拜容管經略使初安祿山亂徵發嶺南兵
隸南陽魯貝吳敗績衆奔潰谿崗蠻獠相挺爲亂
夷酋梁崇牽自號平南都統與別帥覃問合又與
西原賊張侯夏永更誘嘯因陷城邑據容州前經

梧州府志

卷之十四

宦蹟上

十四

略使陳仁琇元結長孫全緒等皆僞治藤梧翊至
曰吾容州刺史安可寄理他所必得容乃止卽出
私財募士有功者許署吏於是人自奮不數月斬
賊帥歐陽珪因至廣州請節度使李勉出兵併力
勉不許曰容陷賊久獠方強今速攻祇自敗耳翊
曰大人卽不出師願檄州縣揚言以兵爲助冀藉
此聲成萬一功勉許諾翊乃移書義州刺史陳仁
瓘藤州刺史李曉庭約皆進討引兵三千與賊鏖
戰日數合勉檄止之輒匿不發戰愈力卒破賊擒
崇牽悉復容州故地捷書聞詔更置順州以定

亂羽凡百餘戰擒首領七十覃問道去復遣將李實等分討西原平鬱林等諸州累兼御史中丞招討處置使會哥舒晃反羽命實悉師援廣州覃問因合衆乘間來襲羽設伏擊之生擒問嶺表悉平代宗遣使慰勞加金紫光祿大夫賜第京師

節唐書本

傳祀名宦

戴叔倫字幼公潤州人累官撫州刺史惠民化俗詔書褒美貞元初遷容管經略使綏來蠻俗威名甚著其治政清明仁恕多方略故所至稱最代還卒於道

祀名宦

梧州府志

卷之十四

宦蹟上

十五

李復字初陽淮安王神通孫歷饒蘇二州刺史貞元初遷容州刺史充本管招討使先是西原亂吏獲反者沒爲奴婢長役之復至使訪親戚一皆原縱在容三年人賴以安轉嶺南節度使會安南經略使高正平張應相次卒其佐李元度胡懷義等阻兵脅州縣肆爲奸賊復誘懷義杖死流李元度南裔肅然所在稱治徵拜宗正卿

韋丹字文明萬年人歷殿中侍御史元和初爲容州刺史教民耕織禁游惰興學校民貧自鬻者贖歸之禁吏不得掠爲隸始城州周十三里開屯田

二十四所仁化大行後遷江南西道觀察使築堤捍江十二里爲寶以疏漲凡爲陂塘五百九十八所以資灌溉有吏盜倉糧三千斛召而讓之期以一月還得免吏及期無敢違會解官卒後宣宗讀元和實錄見丹治行卓然與宰相語周墀對曰韋丹有大功德被八州沒四十年民思之不忘乃詔觀察使上丹功狀勒於碑祀名

崔方寶元和十年爲容州兵馬使破蠻賊黃探平其黨與獻俘以聞憲宗嘉之

房孺復瑄子幼頗能屬文終容州刺史瑄孫啓素

梧州府志

卷之十四

宦蹟上

去

贅附王叔文貞元末叔文用事除容筦經略使陰許以荆南節帥啓至荆湖宿留不肯進會叔文與韋執誼內忿爭不果拜俄而皇太子監國啓惶駭就鎮凡九年改桂筦觀察使唐書

鄭畋字治文系出滎陽劉瞻爲宰相薦授戶部郎中入翰林俄知制誥會討徐州賊龐勛書詔紛委畋思不淹晷文成粲然無不切機要當時推之勛平以戶部侍郎遷學士承旨瞻以諫迂懿宗賜罷畋草制書多褒言韋保衡等怨之謂其附下罔上貶梧州刺史僖宗立召還初交廣邕南兵歲運嶺

北五道米往餉之舟多覆敗及畋爲相奏請以嶺南鹽鐵委之廣州節度使韋荷歲煮海取鹽直四十萬緡市虔吉米以贍安南而罷荆湖等漕役軍食遂饒節唐書本傳祀名宦

宋

洪湛字惟清昇州上元人累官右拾遺端拱初伏闕上書請立許王元僖爲儲太宗怒黜知容州容有戍卒謀竊發者湛偵得其實亟斬之容賴以安

遷北部員外郎舊志無抄通志補入

鄧簡字叔廉杭州臨安人進士及第真宗時特改

梧州府志 卷之十四 宦蹟上 七

秘書省著作郎知分宜縣徙知藤州惟以宣上德

救民患爲意興學養士一變其俗祀名宦

陳執中南昌人咸平中出知梧州不鄙薄其民陶

以豈弟上復古要道三篇真宗異而召之後爲平

章事祀名宦

梁適字仲賢東平人康定中知梧州嶺地南漢時

民間折稅已重轉運使以調不足復欲折之適爲

奏免民賴以甦皇祐中爲樞密副使儂智高入寇

移書求邕桂節度帝將受其降適曰若爾嶺外

非以有矣乃遣狄青討之賊平帝曰若非適言

南方安危未可知也

祀名
宦

狄青字漢臣西河人善騎射歷官至權樞密副使
皇祐中廣源州蠻儂智高反陷邕州又破沿江九
州圍廣州嶺外騷動楊旼等師久無功又命孫沔
余靖爲安撫使討賊仁宗猶以爲憂青上表請行
自言願得蕃落數百騎益以禁兵羈賊首致闕下
帝壯而許之遂除宣徽南院使宣撫荆湖南北路
經制廣南盜賊事時智高還據邕州青合孫沔余
靖兵次賓州先是蔣偕張忠皆輕敵敗死軍聲大
沮青戒諸將毋妄與賊鬪聽吾所爲廣西鈐轄陳

梧州府志

卷之十四

宦蹟上

大

曙乘青未至輒以步卒八千犯賊潰於崑崙關殿
直袁用等皆遁青會諸將堂上揖曙起并召用等
三十人按以敗亡狀驅出軍門斬之沔靖相顧愕
眙諸將股栗已而頓甲令軍中休十日覘者還以
爲軍未卽進青明日乃整軍騎一晝夜奪崑崙關
出歸仁舖爲陣賊旣失險悉出逆戰前鋒孫節搏
賊死山下賊氣銳甚青執白旗麾騎兵縱左右翼
出賊不意大敗之其黨黃師宓儂建中智中及僞
官屬死者五十七人生擒賊五百餘人智高夜縱
火燒城遁去遲明青按兵八城其爲賊所俘脅者

悉慰遣之歛屍築京觀於城北隅時賊屍有衣金龍衣者衆謂智高已死欲以上聞青曰安知非詐耶寧失智高不敢誣朝廷以貪功也初青之至邕也會瘴霧昏塞或謂賊毒水上流士飲者多死青殊憂之一夕有泉湧砦下飲之甘衆遂以濟始交趾願出兵助討智高余靖言其可信詔許之青既至檄余靖無通使假兵卽上奏曰假兵於外以除內寇非我利也以一智高而橫蹂二廣力不能討乃假兵蠻夷蠻夷貪德無義因而啓亂何以禦之請罷交趾助兵從之賊平人服其有智略後卒謚

梧州府志

卷之十四

宦蹟上

九

武襄

祀名

王次翁字慶會濟南人廣西轉運判官時劇賊馬友等據長沙帥檄漕司預鳩糧芻三十萬以備調發次翁曰兵未必發先憂民可乎吾以一路常平上供計之不啻二十萬足矣已而賊不犯境建炎二年知容州慕元結之爲人取結在道州時乞免科率二奏刻之下并刻其遺像以便觀省且曰庶不墜元子之政

祀名

李亨伯字安正龍溪人紹聖二年知梧州興學勸士卓有政聲歲增俸錢五萬不受建六賢堂以祀

三陳三士七賢堂以祀漢名宦踰猛等祀名

蕭磐字安國閩清人宣和間權知梧州軍事課農

桑興學校百廢具舉暇則引諸儒飲射讀法有古

循吏風祀名

祖世英字穎仲蒲城人政和間進士由知南昌縣

通判容州部使者薦知州事卒於任官至二千石

無一區之宅十金之產世稱清白吏

陳字莆田人紹興二十二年以大理正知梧州歲

旱手書救荒十餘事行屬縣由是米商四集人得

不饑留部餘六萬斛建炎盜起增額且半宇累疏

梧州府志

卷之十四

宦蹟上

三

得仍舊流徙來歸猺獞帖然祀名

蔣南金字聲道蘇州人嘉定五年知容州興學校

立貢院在任三年一以教養為事未嘗豫逸祀名

梁介三衢人端平元年攝守容州留心教事增置

學田容人立生祠祀之

譚惟寅字子欽高要人淳祐間知容州建思賢堂

紀元次山等五賢善政倣其行事又於堂之東西

作延老樂山二軒其說曰延老者於此問政也樂

山者因容山以取義也有契於心以靜為德仁者

之事也又嘗論祭禮曰治道不在多端在於致敬

而已舉斯心無一毫人偽則鬼神情狀萬物之理畢見於以臨政何所往而不當時人以為確論趙若說字子振咸淳十年知容州叛賊楊先攻城若說與戰力屈死之

李萬淳祐間知藤州有善政嘗訪文簡斷碑刻於石

權鳳來賓人熙寧九年丁巳科探花歷官蒼梧郡守至江西副使政事文學咸有可觀開賓邑魁名

之首

柳州府志

元

梧州府志

卷之十四

宦蹟上

三

劉志行江西人元進士知藤州之鐔津有善政民愛之

臧夢解慶元人至元三十年為廣西肅政廉訪副使故事烟瘴之地行部者多不躬至而夢解咸遍歷焉遂按問賓州藤州兩路達魯花赤與凡貪官奸吏置於法者無慮八十餘人又平反邕州黃震被誣贓罪反藤州唐氏婦被誣殺夫罪凡兩冤獄夢解剛直廉慎學有淵奧而敏於政事歷官所至以清能著嘗自號魯山士大夫稱不以官而曰魯山先生云

朱國寶寶坻人至元間以管軍萬戶鎮梧州領安撫司事南寧謝有奎負固不服國寶開示信義有奎感悟以其屬來歸於是黎民降者三千戶蠻崗降者三十所

姬明成宗大德七年知容州興學校勸農桑爲政多持大體州人思之

文魁字華甫衡陽人至順三年知藤州兵革之餘披荆棘立州治修城池興學校撫民庶蠻寇出沒而藤獨無擾政化大行祀名

馮思齊欒城人至正間知藤州律身廉潔馭下寬

梧州府志

卷之十四

官蹟上

三

簡民懷其德立德政碑

花禮至正間知容州正風化建學校爲民興利卓有政聲

明

劉鎮浙江人洪武三年知岑溪先是民苦虐政流移者衆鎮獨尙寬大懷柔安輯教養兼施始作城池爲保障明初賢令鎮其首也祀名

王青洪武初爲容州同知寇盜蔓衍民不聊生清繕城隍立學校撫綏百姓勸課農桑民賴以蘇隍

本州知州

祀名

金文仲桐廬人洪武六年以吏部員外謫藤州同知文章政事蔚然有聲卒於官士民悼之祀名

趙探夫蘇州人洪武七年任岑溪主簿廉慎勤敏撫輯流離城務修舉百姓思之祀名

趙文字夢得錢塘人洪武時舉賢良七年知藤州廉以自持誠以待物政尚仁恕秩滿去民言及者

輒流涕焉祀名

何源字幼澄吳江人洪武十年知梧州歲飢僚屬議請賑於上源曰若請而後賑民其死且徙矣乃捐俸以拯全活甚衆

梧州府志

卷之十四

宦蹟上

三

羅觀永樂二年知梧州恤民瘼課農桑政尚平易

有古循吏風祀名

余存諒高要人永樂三年知容縣緩流民撫猺獞時王師征交趾存諒率其部伍運糧民被其德無逃亡者

劉銘吉安人永樂間判梧州誠信廉明藤縣有殺繼母者獄久不決忽有蛇蜿蜒來庭下如有所訴劉曰此繼母冤求伸耶蛇俯首去卒正其法尋以

招懷瓊黎功擢知瓊州祀名

謝有立江西龍州人永樂間令懷集岑溪廉慎公

怒吏畏民懷十年清節如一日秩滿邑人乞留

本府通判

祀名
宦

彭清浙江錢塘人舉進士永樂十六年知容縣事
先縣無城永樂六年知縣黃昇始城之建立學校
清繼至草昧經營席不暇暖修撰邑志著八景詩
歌風流標致擬之蘇長公寓惠志云

山雲徐州人宣德中命佩征蠻將軍印充總兵官
鎮廣西破柳慶蠻韋朝烈擒忻城蠻譚團討平柳
潯雒容平樂桂平宜山思恩諸蠻初雲以廣西兵
少留貴州兵之來助者至是又言慶遠鬱林諸蠻

梧州府志

卷之十四

宦蹟上

十四

非大創不服請濟師乃發廣東兵千五百人益雲
分兵捕潯柳思恩餘寇復攻大藤峽破之雲前後
大戰十餘戰斬以萬計奪還男女二千五百八十
降賊首領三百七十築堡九城四舖舍五百餘區
谿崗猺獞傑猾者望風竄匿居民始復業所駐節
處谷里老撫善良原註誤察誣枉人益感愛之英
宗卽位進右都督上言潯州與大藤峽諸山相錯
猺寇出没占耕旁近土田惟狼兵素勇爲賊所畏
若量撥田州諸府土兵分界耕守斷賊出路不過
數年賊必坐困報可後東南有急輒用狼兵自雲

始也雲謀勇驚發而端潔平恕不苟取不妄殺嘗
罰號令公嚴有制與士卒同甘苦往時鎮帥初至
土官率饋獻帥一受之卽爲所持卒以敗雲至盡
却饋獻嚴馭之士官皆服調發奉法畏罪無敢違
者正統三年卒贈懷遠伯諡襄毅

李本河南人宣德七年知梧州秉政嫉邪不畏權
勢時中貴督貢方物多妄索輒挫辱守令本至中
使不敢肆人服其丰裁祀名
宦

李濬海康人正統二年知懷集縣時經蠻寇田野
荒穢濬招集流亡民皆復業尋擢御史祀名
宦

梧州府志

卷之十四

宦蹟上

三

陳觀湖廣人正統六年知梧州性寬宏崇尙文雅
民有小過犯者多所輕貸豪強玩法奸吏舞文則
痛懲之歲少有水旱卽憂形於色祀名
宦

雷復字景暘湖廣寧遠人正統中歷官廣西副使
藤縣民胡趙成構猺獞陷縣城復與叅將范信討
斬之成化間累遷右副都御史巡撫山西後卒於
官

王翺字九臯鹽山人累官左都御史景泰三年潯
梧猺亂命翺總督兩廣軍務翺素有威望且建節
督師乃一意推誠撫諭所至猺民率欽服叅將范

信有材畧因事革職奏復其官信卒以能將名歷官數年清風凜然民甚德之卒贈太保諡忠肅

區昌新會人景泰間任岑溪典史清慎勤敏時猺寇猖獗地方殘破昌詣潯南召土狼屯連永二鄉耕守其土爲邑保障民甚德之祀名

李珙南安舉人景泰間知懷集縣值寇亂盡力保

障得民心秩滿去民咸攀轅買舟送之縣志

葉盛字與中崑山人天順二年以僉都御史巡撫兩廣平徭役抑豪右風裁峻肅執法無所阿時兩廣流賊獍蠻縱恣仇殺所在猖獗守將多以不相

梧州府志

卷之十四

宦蹟上

三

統攝師輒無功盛請於梧州立帥總鎮征蠻兩廣各設副總兵及叅將分守要害悉受節制遂檄都督顏彪等協力討賊凡破賊砦八百所擒斬數百人疏請許鹽商計鹽入粟爲邊餉公私利之會朝士有言彪圍大藤峽多殺降負濫困以譖盛者取還改巡撫宣府成化中八爲吏部左侍郎盛清修積學敦尚名檢薄嗜好生平慕范仲淹志在君民不爲身計有古大臣風卒諡文莊祀蒼梧名宦袁凱字舜舉華亭人天順間以按察僉事治兵潯梧凱善兵每督戰輒疾馳爲士卒先賊屯長洲村

官兵遙望有懼色凱麾兵前賊驚引屬去阻水還戰諸兵奮擊悉俘斬以歸超遷按察使其在蒼梧收上海人周昇孤兒長壽載之歸及長妻之甥女里人莫不高其行誼

韓雍字永熙長洲人正統進士授御史天順四年右僉都御史巡撫宣大進兵部右侍郎成化元年以事出爲浙江叅政會兩廣賊寇流剽議大發兵拜都督趙輔爲總兵官以太監盧永陳瑄監其軍兵部尙書王竑薦雍才氣無雙平賊非雍莫可乃授雍左僉都御史贊理軍務雍馳至南京集諸將

計方畧議者有謂賊在廣東宜驅在廣西宜困諸將猶豫欲請令遊擊將軍和勇率番騎趨廣東大軍趨廣西分兵撲滅雍曰賊已蔓延數千里而所至與戰是自做也今賊據大藤峽以修仁荔浦爲羽翼若先收二縣以孤賊勢大軍直搗其巢勢無不克巢旣傾餘迎刃解耳舍此不圖而分兵四出賊益奔突郡邑益殘所謂救火而噓之也遂倍道馳全州陽崗苗掠興安擊破之至桂林斬失機指揮李英等四人以徇乃率兵先破修仁荔浦亦定十月至潯州延問父老皆言峽天險不可攻宜以

計困雍曰峽廣六百餘里安能困之分兵則力弱
師老則財匱吾計決矣遂長驅至峽口令總兵官
歐信等爲五哨自象州武宣攻其北身與都督趙
輔指揮白全等爲八哨自桂平平南攻其南叅將
孫震等二軍從水路入而別遣裨將分兵守諸隘
口賊魁侯大狗等大懼先移其輜重於桂州橫石
塘而立柵山南多置滾木礮石鏢鎗藥弩拒官軍
十二月朔雍等督諸軍水陸齊進擁團牌登山鏖
戰連破石門林崗沙田右營諸巢焚其室廬積聚
賊皆奔潰伐木開道直抵橫石塘及九層樓諸山

賊復立柵數重憑高以拒雍等誘賊發矢石度且
盡躬督諸軍緣木攀藤而上別遣壯士從間道直
上山頂舉礮賊不能支遂大敗先後破賊三百二
十四砦生擒賊首侯大狗及其黨七百餘人斬首
三千餘級峽有大藤如虹橫亘兩崖間雍斧斷之
改名斷藤峽勒石紀功而還分兵擊餘黨鬱林陽
江雒容博白次第皆定帝大喜賜敕嘉勞召輔等
還遷雍左副都御史總督兩廣軍務雍以兩廣地
大事殷請東西各設巡撫帝可之命陳濂撫廣東
張鵬撫廣西而雍專理軍事尋以憂歸明年兩廣

盜復起僉事陶魯言兩廣地勢錯互當如臂指相使不可離析近賊犯廣西臣與廣東三司議調兵匝月未決賊益無所憚乞仍命大臣總督便乃罷兩巡撫而起復雍右都御史總督如故雍遣叅將張壽遊擊馮昇分道討忻州八峇蠻及諸山獠獍掠州縣者皆摧破之蠻民素懾雍威寇盜寢息九年柳潯諸蠻復叛叅將楊廣等俘斬九百人方更進而賊破懷集兵部劾雍奏報不實廣西鎮守中官黃沁素憾雍而布政使何宜副使張敷皆銜雍素輕已共醞釀其罪竟致仕去雍洞達闔爽有雄

梧州府志

卷之十四

宦蹟上

完

略善斷動中事機每戰嘗躬親矢石不日瞬尊嚴示威無少假借兩地鎮守宦官素驕恣亦惕息無敢肆故能令行禁止而論議中起卒爲中官齟齬兩廣人念雍功尤惜其去爲立祠祀焉家居五年卒諡襄毅

范鏞字彥聲豐城人成化間官按察副使潯梧鬱林等處寇虐奉督師韓雍檄親抵賊巢諭諸酋長以逆順望風畏服有流賊猝至鏞督官兵捕殺之巡至博羅陸川岑溪等縣築城衛民藉以無警改分巡平道未幾潯鬱賊起總督朱英檄鏞往討

賊聞鏞再至驚惶請罪事平遷按察使

龍韜曲江人成化間知容縣閱險設備嚴督戍捕遊剽以息邑自洪永間屢經兵變民病額輸多鬻妻孥填溝壑者韜甚哀之率里老赴闕奏請下鎮臣韓雍勘議檄柳州府同知金廷璽梧州府推官鄭義履畝覈實得停徵糧米五千六百七十餘石比舊額蠲五之三自是民始復故業

吳中字時中樂平人成化間知梧州時韓襄毅初開府軍需旁午處之裕然百廢俱興民不見擾

劉滄巴陵人成化間知蒼梧縣時兵荒流徙撫循

梧州府志

卷之十四

宦蹟上

三

安集俾各得所至今頌之

祀名宦

朱英字時傑桂陽人成化十二年命總督兩廣兩廣自韓雍大征以來將帥喜邀功利俘掠英至鎮以寧靜招撫犺獍效順者定爲編戶給復三年於是馬平陽朔蒼梧諸縣蠻悉聞風來歸而荔浦賊李公主有衆數萬久負固亦遣子納款爲置永安州處之俾其子孫世吏自是歸附日衆英淳厚然持法無所假與市舶中官韋春不協遂摺奏英專權玩賊按無驗十六年交趾攻老撾議者恐其內寇詔問英處置之宜對言彼不過爭甌脫耳諭

之當自悔懼帝從其言果上表謝潯梧高廉賊起
偕總兵陳政等分道擊之俘斬甚衆十九年桂林
平樂蠻叛復分兵討平之尋召入掌都察院事英
在鎮清約威望不及雍而惠澤過之積年儲四十
餘萬不以聞或問之答曰此邊臣常分何足言卒
贈太子太保諡恭簡

省志參
舊志

劉大夏字時雍華容人宏治二年爲廣東右布政
使田州泗城不靖大夏往諭遂順命後山賊起承
檄討之令獲賊必生致驗實乃坐生者過半遷左
僉都御史理宣府兵餉未幾移疾歸復起爲右都

梧州府志

卷之十四

宦蹟上

三

御史總督兩廣軍務清吏治捐供億禁內外鎮守
官私役軍士法嚴令具盜賊衰止後入爲兵部尙
書以忠直憾劉瑾焦芳輩又數嫉譖之遂假大夏
先時處置田州岑猛事詔發邊遠充軍瑾誅復官
致仕卒諡忠宣

祀名

區昌廣東順德人宏治六年合懷集慈祥廉謹纂
邑乘修城池更文廟建明倫堂廢墜畢舉吏畏其
明民懷其德治行稱第一

祀名

林元瓊山舉人宏治六年訓藤以易學造士九載
陞學錄

蔣聰東莞人宏治六年任岑溪教諭老誠慎重勤於啓迪講論正學無計功謀利之心後人思之余敦善靖安人宏治七年任岑溪治官如家多善政改陽城爲陰城役民而民忘其勞卒於官士民思之

張吉字克修餘干人宏治八年知梧州省繁費不均之徭隨時釐正崇尚正學政教竝行民有徙者皆相率而歸尋遷廣西按察副使備兵府江申教令嚴武備察奸吏擇將領次第兼舉推誠御下以意創鴛鴦銃偏架弩教士練習沿江山盤林翳設

梧州府志

卷之十四

臣蹟上

三

謀控治使賊不得藏伏又以府江東西二賊爲犄角而東賊剽悍尤甚遂併力於東數月之間斬獲甚衆由是西賊聞之亦皆自戢府江以寧祀名宦

詹志文孝感人舉鄉書宏治間任蒼梧典史端謹有爲不詭隨媚世上下重之久之嘆曰與其糜祿屈人孰若適志自樂遂棄官去

陳夔番陽人宏治十五年任岑溪教諭廉介嚴勤足稱師儒之任去後弟子思之

徐珙海陽人宏治十五年以鄉薦司府訓剛方嚴正士類信服學宮後有五顯祠珙曰此何地而得

以淫祀逼處乎立毀之會二子相繼卒或以爲祟
曰天命也鬼能禍福哉終不惑

曹琚字仲玉郴州桂陽人正德六年由廣州知府
調知梧州時都御史陳金總制七省調狼兵征江
西寇惠潮又方有事總督林廷選難之以問琚琚
曰江西寇株連閩廣功過與有歸矣宜速遣及江
西平惠潮亦奏捷林受賚以是知琚能妖賊李通
寶竊發檄琚巡諸邑會北流已陷殺鬱林署印官
擒巡捕通判以去林促琚歸引入問計琚請選鬱
兵之壯銳者追之而留其老弱居守又曰從征江

梧州府志

卷之十四

官蹟上

三

西狼兵在河下出賞格以爲梧兵助萬全之計也
林因屬琚督軍遂偕諸將行聞賊在陸川冒險追
之連戰皆克謀知賊必遁黃山卽抽兵伏黃山下
夜半賊果至伏發擊斬五十餘師駐鬱林林令大
軍爲援通寶來攻狼兵又敗之賊黨逃散獲通寶
於廢圃中斬之餘黨悉平出令招民之脅從者給
牛俾耕選其子弟入學時學宮城郭官舍焚毀殆
盡琚隨命工繕治未幾竣工民不知費又建議復

鬱林守備

孫懋字德夫慈谿人正德間以論朱彬謫藤縣尉

創南麓書院藤人尸祝之嘉靖中累官廣西右布政使力剋奸蠹汰冗費而人又服其雅量祀名

王啓字景昭黃巖人正德間爲逆瑾誣謫知容縣後陞布政使世宗登極與右叅政黃衷奏言廣西稅糧初四十二萬有奇頃以人民逃散及土官不服輸納歲實徵止二十三萬有奇而宗藩及官軍祿糧且過三十五萬將何以支上命發鹽銀五萬兩濟之初中官鎮廣西歲以零陵香進上雖詔却諸獻而廣西徵貢如故至是啓請罷之仕終副都御史

梧州府志

卷之十四

宦蹟上

三

張拱樞興國監生正德十二年知岑溪寬以蒞民嚴以待下囹圄空虛廳事肅然秩滿去士民懷之祀名

石希介成都人正德十四年令岑溪性慈惠勞心撫字築外城以奠民居嘗欲鑿瀧水以通舟楫因改任未果百姓思之祀名

王守仁字伯安餘姚人嘉靖六年思恩田州土酋盧蘇王受反總督姚鏌久不克乃詔守仁以原官兼左都御史總督兩廣兼巡撫守仁抵梧州上赴任謝恩遂陳膚見疏切陳用兵之非且言設流官

之誤及至南寧蘇受遣使乞降守仁命詣軍門諭
二人薄杖而釋之親入營撫其衆七萬奏聞於朝
陳用兵十害招撫十善因請復設流官量割田州
地別立一州以岑猛四子邦相爲吏目署州事而
於田州置九巡檢司以蘇受等任之并受約束於
流官知府帝皆從之斷藤峽猺賊上連八寨下通
仙臺花相諸崗蠻盤亘三百餘里郡邑懼害者數
十年守仁欲討之故留南寧罷湖廣兵示不再用
伺賊不備進破牛腸六寺等十餘寨峽賊悉平遂
循橫石江而下攻克仙臺花相白石古陶羅鳳諸

梧州府志

卷之十四

宦蹟上

三

賊令布政司林富率蘇受兵直抵八寨破石門叅
將沈希儀邀斬逸賊盡平八寨條陳八寨五屯善
後諸策守仁去後猶見施行隆慶初贈新建伯謚
文成賜葬祭

郭仁龍溪人嘉靖六年司府訓操行廉介同郡人
林潤客於梧病篤以二百金屬仁治後事曰餘以
謝也林卒仁捐金治棺殮殯寺後募僧守之書召
其家人不至明年仁病且瞑急命其子薦以林屬
銀寄官庫封識宛然督撫林富義之特表其墓
劉士奇字邦正順德人嘉靖七年知梧州仁明廉

恕廷無留獄字民惟恐傷郡故多竹舍連歲罹火
患出帑金爲民築牆垣以避火吏收支多侵牟者
爲較正法焉後遂按爲格嘗刻定性書揭理學本
源以變化多士民有盜庫銀者訊不服立命搜出
之發奸摘伏合郡肅然累官山東布政使

翁萬達字仁夫揭陽人嘉靖中守梧州仇鸞鎮兩
廣縱部卒爲虐萬達縛其尤橫者杖之鸞爲歛戢
閱四年聲績大著會朝議將討安南擢萬達廣西
副使專辦安南事萬達請於總督蔡經曰莫登庸
大言中國不能正土官弒逆之罪安能問我今憑

梧州府志

卷之十四

宦蹟上

美

祥州土舍李寔弒其土官珍思恩土目盧同煬九
司亂龍川土舍趙楷殺從子燧煖又結田州人韋
應殺燧弟實斷藤峽猺侯公丁負固此曹同惡共
濟一旦約爲內應我且不自保曷先擒數人問罪
安南易下耳經然之於是誅寔擒同招還九司誘
殺楷伴繫訟公丁者給公丁執諸座以兩軍破平
其巢又議降尙豪黃賢相登庸始懼會獲安南謀
者丁南傑萬達解其縛厚遣之怵以天朝兵威登
庸大懼詣鎮南關乞降毛伯溫等承制許之萬達
功最賞不逾常格然帝知其能

兩爲軍務尙書隆慶中追諡襄毅